



Asuncion: «Presoei min egiten die sakabanatuta egoteak» / 9



Voynet Berdeen eleduna: «Abertzale eta ekologistak batu litezke» / 17



Leo Mankiewicz zinema zuzendaria hil egin da bihotzekoak jota / 31

EUSKALDUNON

Egunkaria

Igandea, 1993ko otsailak 7 / IV. urtea / 674. zenbakia / Salneurria: 90 pta. / 5 libera

ARTEA

Euskal Herriko bi galeria ARCON

Aurten Euskal Herriko bi galeria baino ez dira izango Madrilen datorren ostiralean zabalduko den ARCO arte azokan: Dieciseis eta Altxerri. / 28-29

Gaur omenaldia egingo diote Hernanin hildako Astiazarani

Gaur arratsaldean KA-Sek deituta omenaldia egingo zaio Bernardo Astiazarani. Herenegun bere autoan lehergailua esku artean zuenean, hau lehertu eta hil egin zen gaztea. Atzo goizean berriz, Astiazaranen gorpuari harre-
ra egin zioten eta ondoren Hernaniko alkatearen baimenik gabe udaletxeko aretoan jarri zuten. / 7

Aizpuni UPNko lehendakaritza kendu nahi dio Allik kongresuan

Aho bateko adostasuna lortu zuten hiru txostenek atzo hasi eta gaur amaituko den UPNren kongresuan. Ažaleko batasuna oso bestelakoa izan zen pasiloetan, sektore ezberdinen mugimenduak oso agerian izan baitziren. Ezusteko bakarra Alliren sektoreak eman zuen, Aizpuni lehendakaritza kentzeko Zubiaur aurkeztu baitu. / 6

Negatiboz arintzeko aukeraren bila Real eta Osasuna

Negatiboz lepo dagoen Realak Gijonen jokatu du gaur Sportingen aurka El Molinon zelaian. Osasuna helburu berarekin joango da Albacetera, gorritxoak negatiboan zamaz ohartu baitira. Athleticek, ordea, lasaiago jokatu ahal izango du San Mamesen Oviedoren aurka. Guerrerok ezin izango du jokatu. / 22-24

Bakea lortzeko negoziazioa eta elkarrizketa eskatu zen Bilbon

HBk bildutako milaka manifestarik independentzia nahia agertu zuten

«Elkarrizketa eta negoziazioa bake bidea» direla aldarrikatzeko Bilboko kaleak jendez bete ziren atzo Herri Batasunaren deia erantzunez. Manifestaldia arratsaldeko bost t'erdietan hasi zen HBko Mahai Nazionalako kideek zeramaten pankarta buru zela.

Milaka manifestarik betetzen zituzten Kasilla plaza eta Autonomia kaleko espaloiak. Horien artean Arantza Zulueta abokatu askatu berria eta Elkarri taldeko kideak.

Ibilbidean zehar independentzia eta ETaren aldeko oihuak entzun ziren eta amnistiaren eskaera ere bertan izan zen. Manifestazioaren aurreko aldean krespoi beltza atxikia zeukan ikurrina handi batek Bernardo Astiazaranen heriotza gogorazten zuen. / 5



«Hildako gudarien omenez» minutuko isilunea egin zuen jendetzak.


XOUSE SIMAL

Suitzarrak garaile Sei Orduetan

Azken itzulian erabaki ziren aurtengo Euskadiko Sei Orduetako garaileak, Stutz eta Betschart bikote suitzarrak azken unean kendu baitzion txapela Olano gipuzkoarrak eta Gunther alemaniarrek osatzen zuten bikoteari. Borroka izan zen nagusi aurtengo Sei Orduetan eta bikoteek eskainitako ikuskizuna eskertu zuten Donostiako belodromoa betetzen zuten ikusleek.

Txirrindulariez gain, Perurena eta Migeltxo Saralegi harrijasotzaileak ere bikain aritu ziren. Lehenak munduko marka hautsi zuen eta gazteak bere marka.

Halere, festako izar nagusia Marino Lejarreta izan zen. Jendetzaren txaloen artean omenaldi hunkigarria jaso zuen. / 20-21



Ikuskizun ederra eskaini zuten txirrindulari guztiek.

ANDER GILLENEA

BESTERIK

G I Z A R T E A

«Irtenbide propioa» proposatuko du irakasle kaleratuen Laguntza Batzordeak / 11

E K O N O M I A

Greba eta manifestazio jendetsua Barakaldon AHVren alde / 14

K U L T U R A

Asier Uriagereka bizkaitarrak Londreseko Royal Ballet-en dantzatuko du / 30

HEGOALDEKO HERRITARREN USTEZ BERAIEK IRITZIAK EZ ZAIZKIE POLITIKOEI AXOLA / 10